

AUGLÝSING

um staðfestingu félagsmálaráðuneytisins á reglum nefnda til úthlutunar bóta samkvæmt lögum um atvinnuleysistryggingar.

Samkvæmt lögum nr. 29 7. apríl 1956, um atvinnuleysistryggingar, hefur ráðuneytið staðfest reglugerð fyrir eftirtaldar úthlutunarnefndir atvinnuleysisbóta, sbr. auglýsingu ráðuneytisins, nr. 16, B-deild Stjórnartíðinda 7. febrúar 1957:

- 54. Nefnd Verkalýðsfélags Norðfirðinga og Vélstjórafélagsins Gerpis. Staðfest 16. marz 1968.
- 55. Nefnd Matsveinafélags S.S.Í., Félag matreiðslumanna og Félag framreiðslumanna. Staðfest 18. marz 1968.
- 56. Nefnd Sveinafélags pípulagningamanna. Staðfest 18. marz 1968.

Félagsmálaráðuneytið, 18. marz 1968.

F. h. r.

Hjálmar Vilhjálmsson.

Gunnlaugur Þórðarson.

21. marz 1968.

Nr. 79.

REGLUGERÐ

um tækninefnd orkustofnunar.

1. gr.

Tækninefnd Orkustofnunar er skipuð af raforkumálaráðherra samkvæmt ákvæðum 4. gr. Orkulaga nr. 58/1967. Í henni eiga sæti 7 manns: Orkumálastjóri, tæknimenntaðir fulltrúar tilnefndir af Landsvirkjun, Sambandi íslenzkra rafveitna, Sambandi ísl. hitaveitna (eða Hitaveitu Reykjavíkur, ef sambandið hefur ekki verið stofnað), Rafmagnsveitum ríkisins og Rannsóknaráði ríkisins og hagfræðimenntaður fulltrúi Efnahagsstofnunarinnar. Varamenn eru skipaðir á sama hátt.

2. gr.

Verkefni Tækninefndar er (1) að vera orkumálastjóra til ráðuneytis í tækni- legum og fjárhagslegum efnum (2) að stuðla að samvinnu í orkumálum þjóðarinnar milli allra aðila, sem þar eiga hluta að máli og (3) að efla samstarf um orkurannsóknir og vinna að samræmingu þeirra.

3. gr.

Orkumálastjóri leggur fyrir nefndina mál, sem hann leitar ráðuneytis hennar í. Einstakir nefndarmenn geta lagt fyrir nefndina hver þau atriði á sviði orkumála, sem að dómi þeirra er eigi sinnt sem skyldi eða þeir telja af öðrum orsökum þörf á að ræða sérstaklega. Tillögur sínar og ábendingar gerir nefndin til orkumálastjóra.

4. gr.

Orkumálastjóri er formaður Tækninefndar. Hann kallar saman fundi hennar, undirbýr þá og stjórnar þeim.

5. gr.

Tækninefndin heldur fundi eigi sjaldnar en ársfjórðungslega. Formaður kallar nefndina saman til funda endranær, er þörf krefur að hans dómi, eða þrír eða fleiri nefndarmanna óska þess.

6. gr.

Fundir Tækninefndar skulu boðaðir með dagskrá minnst viku fyrir fund, ef unnt er, en annars með eins löngum fyrirvara og kostur er.

7. gr.

Um fundi Tækninefndar skal haldin gjörðabók. Orkustofnun leggur nefndinni til fundaritara. Fundagerðir undirritast af fundarmönnum.

8. gr.

Til að starfa að einstökum málum milli nefndarfunda, um lengri eða skemmri tíma, getur Tækninefnd skipað sérnefndir úr sínum hópi, er starfa sem undirnefndir Tækninefndar, og leggja skýrslu um störf sín fyrir hana. Til að annast daglega framkvæmdastjórn á slíku sérnefndastarfi skal, um leið og sérnefnd er skipuð, fenginn hæfur maður, eigi um of öðrum störfum hlaðinn. Nefnist hann ritari sérnefndarinnar. Ritari þarf ekki að eiga sæti í sérnefndinni.

9. gr.

Tækninefnd er heimilt að leita ráðuneytis manna utan nefndarinnar um einstök mál, svo og að leita aðstoðar utanmanna við störf að einstökum verkefnum.

10. gr.

Allar fjárhagslegar skuldbindingar svo sem rannsóknarkostnaður o. fl., sem stofnað er til á vegum nefndarinnar og ekki eru greiddar af öðrum aðilum, skulu háðar samþykki ráðherra.

Reglugerð þessi er sett samkvæmt 4. gr. laga nr. 58 29. apríl 1967 til þess að öðlast gildi þegar í stað.

Atvinnuáráðuneytið, 21. marz 1968.

Ingólfur Jónsson.

Þorv. K. Þorsteinsson.

S A M Þ Y K K T

fyrir **Veiðifélag Skaftártungumanna.**

1. gr.

Félagið heitir Veiðifélag Skaftártungumanna. Heimili þess og varnarþing er hjá sýslumanni Skaftfellingsa.

2. gr.

Félagið nær til allra jarða, sem tilkall eiga til Skaftártunguafréttar, en þær eru: Hrifunes, Flaga I, Flaga II, Hemra, Gröf, Borgarfell, Snæbýli I, Snæbýli II, Ljótastaðir, Búland, Hvammur, Svinadalur, Múli, Austurhlíð, Hlíð, Úthlíð, Ytri-Ásar og Ásar.